

Akushun Covid 19 ka ishinikatet ne akushun, shash takun natukun tshe shutshenitakuak tshishtauakanitau auenitshenat tshe eka akushiht. Tutakanipan uauitamatun mashinaikaniss tshe ishi-atushkatet ne tshishtauakanitau auenitshenat ute Akamassissit mak Napatau.

Tshe ishi-tutakanit kie tshe ishi-atushkatet tshe tshi shutshenitakuak kie matenitakuak ne natukun tshe tshishtauakaniht auenitshenat tshe eka akushiht nenu COVID-19 akushunu tshika minu-tshitapakanu tshe tshi uitshikut nenu natukunu ka tshishtauakaniht auenitshenat. Tshika minu-tshitapakanu, etatishiht auenitshenat ka kashtinakau nenu akushunu, natukunitshuapit ka pitakiakaniht kie ka nipikuht nenu akushunu, tshika nashukupanu atshitashun ka pet ishpish ishkupanit ka katshitinakau auenitshenat, kau tshika minupanu tshe tshi minuenniuiht auenitshenat ute Akamassissit mak Napatau nete aianishkat. Ekue, ne akushun COVID-19 tshe tshishtauakaniht auenitshenat nenu natukunu tshe eka akushiht, eukuan anumt mishta-mishat kie mishta-atushkatet natukun tshishtaikan ka tutakanit ute Akamassissit kie Kanata.

Nasht tshika minu-tshitapakanu ute Akamassissit mak Napatau akushun COVID-19 natukun ka shutshenitakuak tshe tshi mitshet auenitshenat tshishtauakaniht kie tshika tshinipikanu muk eshinniut kie tanite aitanuht eukuan tshe minu-tshitapakanit, shutshenimakanut auenitshenat umue tshe pimipanitakanit tshe tshi tshishtauakaniht auenitshenat.

Kassinu auenitshenat ishinakunu tshe tshi minu-uauitamuakanit nenu akushunu COVID-19, tshe tshi uitshikut e mamitunenitahk nenu natukunu tshe tshishtauakaniht. Eka ka tapuemikak tipatshimun unuipanu nete ka atusseu-katshitapakanit e uauitakanit ne akushun COVID-19, kie animenitamuaht anitshenat natukunishiht kie kutakaht ka atushkatakau minuenniunnu tshe tshi natutuakaniht. Tshishe utshimau ute Akamassissit mak Napatau eukuan tapuemakanit uauitamatunu e uauitakanit akushunu COVID-19 natukun tshe tshishtauakaniht auenitshenat ute Akamassissit mak Napatau.

Tshika mashinateu ne uauitamatun nete ka atusseu-katshitapakanit etatuau tekuniti uauitamatun ne akushun COVID-19 natukun tshishtaikan. Tshe nanatu-tshissenitamek nanakutini.

Minu-tshitapata uauitamatunna

Pfizer-BioNTech akushun COVID-19 natukun tshishtaikan ka shutshenitakuak, tapuetamupan Minuinniunu ka atushkatakanit nete Kanata pishimussa 9, 2020 pipunu kie ne Moderna akushun COVID-19 natukun tshishtaikan tapuetamupan Minuenniun ka atushkatakanit nete Kanata pishimussa 23,2020 pipunu. Etutu ui nanatu-tshissenitamani nete ka atusseu-katshitapatakanit tshe uapatamin [Government of Canada's website](#).

Tan eshi atussemikak ne natukun ka shutshenitakuak Pfizer-BioNtech kie Moderna akushun COVID-19?

Ne natukun ka shutshenitakuak eshi-atussemikak nete uiat auen, mamupanu tshe tshi mashitumakak nete atamit uiu ka akushit auen kie eukuan eshi-atussemikak ne natukun. Uitshiku auen tshe tshi uipat minuiniushkakut nenu ka itakushit COVID-19 akushunu. Ne ka shutshitenitakuak natukun uitshiku auen tshe tshi eka akushit kie tshe tshi eka ashu-minuemikat ne akushun.

Ekue nenua ka shutshenitakuaki natukuna Pfizer-BioNTech mak Moderna kutshipanitanipani nete e mishati utenaua ka takunikau natukunitshuapa kie minuanipani eshi-shutshenitakuniti, kie natukun kanu tutuakanipan ekue tapuetakanit nete Minuinniun ka atushkatet ute Kanata.

Tan etatuau tshe tshishtauakanit auen nenu natukunu?

Nanishuau tshika tshishtauakanu auen kie ne natukun Pfizer-BioNTech peikuau tshi tshishtauakaniti auen ekue minuat 19-23 tatu-tshishikaniti ekue minuat tshe tshishtauakanit nenu natukunu. Ekue ne natukun Moderna, peikuau tshi tshishtauakaniti auen patush minuat tshi peiku-pishimuaniti,

ekue minuat tshe tshishtauakanit nenu natukunu tshe tshi eka akushit nenu akushunu COVID-19.

Tan etatupuneshiht tshe tshishtauakanit nenu natukunu?

16 etatupuneshiht nuash nete e tshishenniuit nenu natukunu Pfizer-BioNTech tshika tshishtauakanuat. Ekue 18 nuash nete e tshishenniuit nenu natukunu Moderna tshika tshishtauakanuat. Ekue ne eshi-tshitapatakanit eshpishati nenu natukuna ka patshitinikaniti nete 2021 pipun, tshika tshitapatakanu etashinanuht katipan etatupuneshiht auenitshenat, ka ishpitenitakushiht. Ekue tshe natuapatamin tanite etain ne etshitapatakanit etatupuneshin. Anite tshe uapatamin Ka ishpitenitakushiht auenitshenat.

Tan eshi-matenitakuaki eka minushkatshetshi nenua natukuna?

Nenua natukuna tshe ishi-matenitakunikau eka minushkatshetshi miam kutak natukun eshi-matenitakuak eka minushkakut auen nete uiat.

Katshi tshishtauakaniti auen, tshika matenitam^u nenu natukunu muk apu tshikut ishpish mishta-akushit. Uenapassish muk tshika matenitam^u nenu natukunu. Eukuanna umuenua tshe ishi-matenitakuaki nenu natukuna:

Pfizer-BioNTech

- tshishtaikan akueieu nete miam tshishtauakaniti auen
- aieshkushiu-matshiu auen
- akushu ushtikuan auen
- katshitushu auen nete katshishtauakanit
- shikatshiu-matshiu auen
- ushkan-akushu auen
- tshishiteu-matshiu auen
- unikua akushu auen

Moderna Natukun

- tshishtaikan akueieu nete miam tshishtauakaniti auen
- aieshkushiu-matshiu auen
- akushu ushtikuan auen
- katshitushu kie katshitupanu auen
- tshishiteu-matshiu auen
- unikua akushu auen
- patshipanu kie mikuano nete katshishtauakanit utitaminit
- ushtamatshiushkaku kie/kiemak pakapakamu

Ekue ishi-matenitamani nenua natukuna ka uitanikau eshi-matenitak auen katshi tshishtauakaniti, uipat tshe uitamut natukunishkuess kie anitshenat ka atusseshiht minuinniunit ka atushkatakau.

Auen eka ishinakunit tshe tshi tshishtauakanit?

Ishkueu ka ishuapamaushit, ka nushaniaushut kiemak shash ka itenitak tshe tshi ishuapamaushut, tshika uitamueu nenu natukunisha kiemak natukunishkuessa. Auen ka kushtikunit tshe tshi tshishtauakanit nenu natukunu apu tapuetuakanit tshe tshi tshishtauakanit, auen ussi-natukunu tshishtaikanu e kushtikunit tshe tshi tshishtauakanit apu tapuetuakanit, e pashkapanit auen uiat kie/kiemak natukunu ka minit tshe eka pinashteuakamunit umik, apu tapuetuakanit tshe tshi tshishtauakanit nenu natukunu, tshe uitamut natukunishkuess eshinakuniti natukunu eshi-minikuin.

Pfizer-BioNTech Natukun

Natukun Pfizer-BioNTech nasht apu ishinakunit auen tshe tshi tshishtauakanit:

- auen eka minushkakut natukunu kiemak mitshiminu katshi tshishtauakaniti
- nasht eka ka minushkakut natukuna kiemak nenu akushunu e (peiku-uitakanit Pfizer-BioNTech natukun COVID-19 akushun)

Ekue tshishiteu-akushini, itakushini ne akushun COVID-19 kiemak shash tshi tshishtauakuini katshi 14 tatu-tshishikaua (mamu ka tshishtauakuin nete tekuatshik ka tshishtauakanit tshe tshi eka mishta-akushiht uetitshikuminanuti), tshe uitamin tshe tshi eka peta uipat tshishtaukuin. Patush tshi uemapiniti ne 14 tatu-tshishikau ekue patush tshe tshi tshishtaukuin.

Moderna Natukun

Natukun Moderna apu ishinakunit auen tshe tshi tshishtauakanit:

- auen eshi-matenitak kie etamashtat nenu natukun-tshishtaikanu (Moderna COVID-19 akushunu).

Auen ka ishi-matenitak nenu natukunu eka ka minushkakut, apu tshikut tshishtauakanit. Ekue auen eka ka mishta-akushit tshika tshishtauakanu enuet petshenak minu-inniuti kie minupaniti.

Ka Ishpitenitakushiht Auenitshenat

Apu tshikut miam takuniti nenu natukuna tshe tshishtauakanit kassinu auenitshenat. Tshika tipaimuanuat auenitshenat nishtam tshe tshishtauakanit nenu natukunu ka shutshenitakunit COVID-19 akushun tshe tshi eka kashtinakanit. Eukuan tshe ishi-pimipanitanit nenu tshishtauakanit auenitshenat, nishtam anitshenat ka mishta-kushtikunit tshe tshi katshitinakau nenu akushunu COVID-19, anitshenat etenimakaniht tshe ishi-matenitahk kie tshe ishpish akushishkakuat nenu akushunu COVID-19, kie anitshenat ka atusseshiht nete minu-inniunu atusseunu ute Akamassissit mak Napatau.

Ushkat e tshitapakanit tshe ishi pimipananuat

Nasht ushkat e petautakaniti nenu ka shutshenitakuaki natukuna COVID-19 akushun tshe tshi eka katshitinakanit shash takuna kie nanitam tshika petautakana nete pipun 2020 nuash 2021 pipun. Eukuanna nenu natukunu ka shutshenitakuaki Pfizer-BioNTech kie Moderna.

Nenu ka ishi-patshitinahk anitshenat ka mamuitut natukunishiht ka tshitapatakau tshe ishi-patshitinakanit nenu natukuna ute Kanata ka

atushkatakau ka shutshenitakunit natukuna, ushkat tshe ishi-patshitinakaniti nenu COVID-19 natukuna ute Akamassissit mak Napatau nishtam tshika tshitapamakanuat anitshenat ka ishpenitakushiht:

- **Mamu ka anakaniht tsheshennuat; ka kanuenimakaniht**
- **Minu-inniunnu ka atushkatakau, ka atusseshiht** ka kushtikuniht nete katakunit akushunu COVID-19 kie anitshenat kutakat ka atusseshiht ka uauitshiaushuat nete tekunit akushunu;
- **Ka mishta-tshishennuiht tshishennuat;**
- **Tshishennuat ka aitaht nete utenassit kiemak innussit mak aissimeussit.**

Nete ushkat etshitapakanit tshe ishi-pimipanitakanit etshishtauakaniht auenitshenat, nete aitaht, eshi-kauenitashuat miam mate utapana, e pimipaniti tshekuana tshika tshitapakanu kie nete tshe ashtakanit kie nakatuapakaniti nenua natukuna. Nutim anitshenat etenimakaniht tshe tshi tshishtauakaniht tshika tshishtauakanuat, kie tshika nakatuapakanu tshe tshi eka nasht ui nautakaniti nenua natukuna. Ekue nasht tshika minu-tshitapakanu tshe tshi eka nasht ui nautakaniniti nenua natukuna kie ishinakuaki tshe tshi nupinikau ekue patush kutakaht auenitshenat tshe tshishtauakaniht nenu natukunu miam tshe ishi-pimipanitakanit nete ushkat etshitshapanuat etshishtauakaniht auenitshenat.

Mamu ka anakaniht tshishennuat, kassinu kataht neta mitshuapit tshishennuat ka kanuenimakaniht, ka atusseshiht kie anitshenat ka uauitshiaushiht nete kakunuenimakaniti tshishennua kamupishiht nete ka aitaht tshishennua aitaniti, uitshinit tshishennua, tshishennutshuapit, ka atushkuat tshishennua nete uitshinnit kiemak nete kakunuenimakaniti tshishennutshuapit, kassinu ka aitatusset ka atushkuat tshishennua.

Minu-inniunnu ka atusseshiht kassinu ka atusseshiht nete tshishennutshuapit, natukunitshuapit kie anitshenat ka atushkuat tshishennua.

Miam nete ushkat tshe ishi-pimipanitakanit tshishtauakanitau auenitshenat, nishtam tshika tshitapamakanuat ka atusseshiht nete minu-inniun atusseun tanite kushtikunu nete etussetau nete ishinakuniti tshe tshi takunit akushunu COVID-19. Anitshenat ka atusseshih nete aitaht:

1. COVID-19 ka nanatu-tshissenimakanit mak ka nakatauapamakanit auen;
2. Nete natukunitshuapit, nusheshkueutshuapit kie nete auass ka inniut katshipekaishit (mashinaikanitshuapit natukunitshuapit);
3. COVID-19 ka tshishtauakaniht auenitshenat ka shutshenitakunit natukunu;
4. COVID-19 natukunitshuapit mashinaikanitshuapa kie
5. Nete Ka mishta-akushiht auenitshenat ka anakaniht.

Tshipa tshi ishinakun tshe tshi mishkutshipanit nenu e tshishtauakniht anitshenat ka atusseshiht ute Akamassissit mak Napatau patush nasht ishinakuniti ekue tshe mishkutinakanit passé tshekuan ka ishi-pimipanitakanit.

Ka mishta-tshishenniuit etutpuneshiht 85 nuash nete ushte.

Katak kaitakuaki utenassa kiemak nete kaitakuaki innussia kie aissimeussia mamu Innuat kie Aissimeu utassiat ute Akamassissit kie Napatau katakuaki, eukute ka kushtikuak tshe tshi takuak ne akushun ka animetshenitakuak ne kaishitshitapatakanit eshi-tananuat e katakatak aitananuat nete utenassit epishashit. Anu kushtikun tshe tshi katakatak aitaht auenitshenat tshe tshi eka peshuapamituat kie tshe tshi eka that nete akushunu pimipaniti utenassimuat kie kushtikun tshe tshi minu-tshitapatakanit kie aiatinakanit nete aitaht auenitshenat ka mitshetiht nete uitshuauat. Katak kaitakuak utenass ishi-tshitapakanu miam 350 tatupashkuniau ka ishpish takuak natukunitshuap pessish etakuak. Ekue ne kutak utenass ka apishashit katak katakuak, patush kapimipaniti kie e minuanit ka aiminanuat ishi-takunu kie apu itamunit meshkananu nete aitaht auenitshenat ka apishashinit utenassimuu.

Ekue katak mak kaitakuaki utenassa ka apishashiti ishi-tshitapakanu nasht eka tshi taniti kapimipaniti kie ka aiminanunit e minuanit kie nutshimiu-ka aimnuanuti.

Anutshish e tshitapatakanit, anitshenat 16 nuash nete ushte etatupuneshiht auenitshenat tshika tshishtauakanuat nenu natukunu ka shutshenitakunit Pfizer-BIONTech kie anitshenat 18 nuash nete ushte etatupuneshiht auenitshenat nenu natukunu Moderna. Ekue anitshenat auassat ka kutunuepuneshiht ashu petetat nuash nete nashuk ka auassiuht, patush uinuau tshika petakunu tshe ishpish tshishtauakaniht, petema kutshipanitakanu ne natukun tshe tshi shutshenitakunit nenu etatupuneshiht uinuau, ekue minupaniti kie tapuetakaniti ekue patush tshe tshishtauakaniht.

E TIPAIMUATSHENANUT

Anite Akamassissit mak Napatau, anumat kushtikun ne akushun COVID-19 tshe tshi takuak nete mamu ka aitaht tshishennuat (ka akushishiht ka kanuenimakaniht, uitshuauat ka atushkuakaniht, tshishennuat ka kanuenimakaniht, natukunitshuapit ka that auenitshenat) natukunitshuapissit, kie nete aitakuniti natukunitshuapissa innussit kie aissimeussit eka ka shuka aitakuaki tshekuanna tshe tshi uauitshiakaniht auenitshenat tshek^u mishta-akushiti auen.

At tapue, ute Akamassissit mak Napatau, apu mishuetuepanit ne akushun nete aitaht tshishennuat anutshish etshitapatakanit, tshi uapatenan nete ka

mamishatshi utenaua eshi-matenitakuakuanit nete aitanuti eukuannau anue uet mishituepanit nenu akushunu e mitshetinanunit. Anu numat mitshet auenitshenat e mishta-tshishennuit kie it passé aitaakushuht kie eukuannu uet mishta-akushiht kie passé nipikut nenu akushunu COVID-19. Tshishennuat, ka atusseshiht kie ka atushkatakau nete aitaniti tshishennua nasht ishinakunu uinishtamauu tshe tshi tshishtaauakaniht tshe tshi eka ashu-minuet nenu akushunu COVID-19 kie tshe tshi eka akushiht ka atusseshiht nete aitussetau minuinnunu atusseunu.

Anitshenat ka atusseshiht nete minuinniunu atusseunu ishpitenimakanauat tshe tshi minu-atussetau nete aitaht natukunitshuapit kie kutaka e mamishaniti e mitshetinanunit atusseutshuapa, kie tshe tshi eka shuka ashu-minuenanuat ne akushun COVID19 akushun nete natukunitshuapa ka aitaakunikau utenat mak utenassit, kiemak tshe tshi eka ashu-minkaniht nenu akushunu COVID-19, natukunishiht kie natukunishkuessat, kie kutakaht ka atusseshiht kie anitshenat natukunishkuessat ka tshishtaauat auennua. Kutakaht ka atusseshiht tshika tshitapamakanuat tshe tshi kie uinuau ishpitenimakaniht minuut takuniti kie petashaikaniti nenua natukuna.

Katak ka aitananuht kiemak innussit kie aissimeussit, eka katshi minu-ishi-kanauenitakanit tshekuanna nete aitaht utenassimuat tshek^u ishinakuniti tshe tshi takunit nenu akushunu COVID-19, tshitapatakanu nete aitaht, eshinakunit, e mitsheinanuht nete mitshuapit kie anitshenat ka mishta-akushiht auenitshenat, tshipa mishta-tshipanu ne akushun tshek^u takuak nete utenassit eshpishashiti etananuat.. Akamassissit mak Napatau katikatak ka aitaakunikau utenassa kie nete innussit mak aissimeussit, anutshish e tshitapakanit apu takuak ne akushun kie eukuan nasht eshinakuak tshe tshi minu-nakatuapatakanit kie tshe ishi-tutakanit tshe tshishtaauakaniht auenitshenat nete innussit kie aissimeussit, anitshenat utshimauat tshika minu-uauitamuakanuht tshe ishi-pimipanitakanit kie tshe aitananuht nete utassiuat.

TSHE ISHI-TUTAKANIT E PIMIPANITAKANIT TSHE TSHISHTAUAKANIHT AUENITSHENAT

Kutakaht auenitshenat ka ishpitenitakushiht tshika tshitapamanuat patush tshi nutim ka uinakaniht nishtam ka atusseshiht kie tshishennuat kie minuut patush petautakaiti ne natukun ekue tshe tshishtaauakniht. Minuat tshika nashatakanu nenu ka ishi-patshitinahk anitshenat ka aiatinahk nenu natukunu, eukuannat tshe nashatakaniht utaimunuau:

- Minuinniunu ka atushkatakau ka atusseshiht eka ka uinakaniht nete ushkat ka tshishtaauakaniht auenitshenat.
- Auenitshenat mak ka atusseshiht aitaht nete ka akushishiniti mak tshishennua; kie
- Kutakaht ka atusseshiht nete innussit kie aissimeussit.

<http://www.gov.nl.ca/covid-19/vaccine/>

Tshika minu-uitakanu patush minuat tshi takuaki ne natukun ka shutshenitakuak tshe tshi eka katshitanakanit ne akushun COVID-19 kie tshika tshitapatakanu ne eshpishati kie etatinikau nenua natukuna kie nete ka ashtanikau e kanuenitakaniti kie tshe ishi-aiatinakaniti, tshika minu-tshitapatakanu.

Mashten tshe ishi-tutakanit tshe ishi-pimipanitakanit tshe atushkatet tshe tshishtauakaniht auenitshenat.

Ekue nutim tshe tshishtauakaniht auenitshenat ka ui tshishtauakaniht nishtam, ekue patush kutakaht auenitshenat tshe tshishtauakaniht. Itenitakanu tshe tshi ishpinanut ne nakun nutim etashiht auenitshenat ute Kananta nete takuatshiniti 2021 pipunu.

Tshe ishi-pimipanitakanit tshishtauakanitau auenitshenat nenu ka shutshenitakunit natkunu.

Nishtam etshitapatakanit, ne akushun COVID-19, ka shutshenitakuak natukun eukuannat natukunishkuessat kie ka uauitahiat nenu natukunishkuessa nishtam tshe tshishtauakaniht kie nete ka atusseshiht minuinniunu atusseunu ka atushkatakau.

Tshika minu-tshitapatakanu tshe ishi-tutakanit kie tshe ishi-pimipanitakanit ne natukun tshe tshishtauakaniht auenitshenat ka ishpitenitakushiht, minuinniunu ka atushkatakau kie tshishennua ka atushkuat nete uitshinit kie nete ka kanuenimakaniht tshishennuat. Ekue patush kutakaht auenitshenat ka atusseshiht nete minuinniunu ka uitshiaushiht atusseunu.

Natukuna ka shutshenitakuaki

Tshipanu e tutakaniti nenua natukuna ka shutshenitakuaki tshe tshi eka akushit auen nenu COVID-19 akushunu kie ne uet tshipanit etutakanit: aiashk minuanu nenu aitapashtashuht anitshenat natukunishiht ka

nanatu-tshissenitakau tshekuanu; mamu e uitshi-atussemituht kutaka natukunisha nete assit, minuinniunu ka atushkatahk, ka nanatu-tshissenitahk tshekuanu natukunishiht, atusseuna ka mamishatshi tshishe utshimau e pimipanitat kie tshishe utshimauat kie eshpish patshitanakanit shuniaut tshe tshi ut pimipanit ne atusseun etutakaniti nenua natukuna. At tapue, ute Kanata petama tshika ui tapuetamuht anitshenat ka nakatuapatakau minuinnunu ute Kanata kie mishta atushkatamuht nenu eshi nashakau eshi-tapuetatishunanut. Kassinu eukuan eshi-tutakaniti kutaka natukuna tshe ishi-pimipanit ne atusseun.

<http://www.gov.nl.ca/covid-19/vaccine/>

COVID-19 akushun natukuna ka shutshenitakunikau, eukuannua tshe apashtanikau nenua natukuna mishue tshi tapuetakau ka atushkatahk minuinniunu ute Kanata, kie shash nete tshissenitakun nenua natukuna e shutshitenitakunite kie e matenitakunite eshi-atussemikakau nete uiat auen kie kaniupanu tshe tshi itakushit nenu COVID-19 akushunu auenitshenat. Anite tshe tshitapatamek ka atusseu-katshitapatakanit etashtet

Government of Canada's website.

Nenua natukuna ka shutshenitakunikau nanitam minu-tshitapatakanua katshi tapuetakanite e shutshenitakunikau kie eshi-matenitakuaki e uitshieutshi. Anitshenat ka atusset nete Natukunishiutshuapit, minuinniunu ka atushkatakau kie anitshenat Kanata minuinniunu kataht eukuannat mianakaniht tshe tshi nakatuapatakau nenua natukuna. Ekue anitshenat Minuinniunu ka atushkatahk ute Kanata kie anitshenat Minuinniunu ka aiatahka ute Kanata eukuannat mianakaniht tshe tshi atushkatahk eka minupanite tshiekuan nete ut nenua natukuna. Nenua natukuna mishta-minu-nakatuapatakanua nuash tshe ishpish apitinikau kie tshe atusseminikau tshe apashtakanite.

Nanikutini eshi-kuetshimunauat

Tshek^u COVID natukuna shutshenitakuaki ute Kanata?

Anutshish e uitakanit, nish tatinua natukuna shash tshe apashtakanite ute Kanata. Tapuetamupan Minuinniunu Atusseun Kanata nenu natukuna Pfizer-BioNTech COVID-19 pishimussa 9, 2020 pipunu kie

Moderna natukunu pishimussa 23, 2020 pipunu. Ekue etutu ui nanatu-tshissenitameku nete ka atusseu-katshitapatakanit tshe uapatamin etashtet **Government of Canada's website.**

Tan tshe ishpish takuak ne COVID natukun?

Ushkat tshe petautakanit ne natukun pishimuss 2020 pipun. Tshika nakatuapatakanu tshe ishpatshitinakanit ne natukun kie anitshenat nishtam ka ishpitenitakushiht auenitshenat nete Akamassissit mak Napatau tshika tshitapamakanuht. Anite ka atusseu-katshitapatakant **COVID vaccine website** tshika uitakanu. Mitshtet auenitshenat tshika tshishtauakanut patush anitshenat nishtam ka uinakaniht ka ishpitenitakushiht.

Tanite tshe tshishtauakaniht auenitshenat nenu COVID natukunu?

Tshika uinuipanitakanu mashinaikaniss tshe uitakanite nete tshe tshishtauakaniht auenitshenat. Anite **COVID vaccine website** ka atusseu-katshitapatakanit tshika uitakanu.

Auen eshinakunit tshe tshi tshishtauakanit nenu COVID natukunu?

Tshika minu-tshitapatakanu auenitshenat nishtam tshe tshishtauakaniht nete 2021 tshitshipaniti pipun, Akamassissit mak Napatau tshishe utshimau tshika aiatinamuht **auenitshenat ka ishpitenitakushiht nishtam tshika tshishtauakanuht.** Itenitakanua tshe tshi mitshetinikau nenu natukuna 2021 pipun kie anitshenat nishtam ka itenimakaniht tshe tshi tshishtauakaniht umuenu nipiniti tshika tshitapamanuat. Eka unitshissitamuk katakatak tshe tshi nanipushtatiek nete miatshetinanuti, tshitishiau tshe tshi tshishtaputaiek, kie tshe tshi taiek nete tshitshuauat akushieku at peikuan eshk eka tshishtaukuini.

Shutshenitakun a ne COVID natukun?

COVID-19 natukuna eukuanua muk tshe apashtakaniti ute Akamassissit mak Napatau tapuetakaniti nete ut Minuinniun Atusseun Kanata, kie nukin eshi-matenitakuak e shutshenitakuak ne natukun.

Ekue etutu ui minu-nanatu-tshisssenitameku nete tshe uapatamek **Government of Canada's website** Ka atusseu-katshitapatakanit.

Tshika ishpaniakanuat a kassinu auenitshenat nenua natukuna?

Tshika tipaimuakanuat auenitshenat nenu natukuna nete ushkat tshitshipananuti e tshishtauakaniht auenitshenat 2021 pipun. Apu tshikut nutim auen tshishtauakanit, muk^u tshika ishpananu ne natukun tshe tshi tshishtauakaniht auenitshenat nenu pipunu. Shash nete tshitapatakanu tshe tshi ishpinanut ne natukun nipiniti umue anutshish pipun.

Nipatshi a uiten nin tshek^u natukun tshe tshi tshishtaukuian?

Nete ushkat e tshitshipananut e tshishtauakaniht auenitshenat, tshika tipaimuakanut nenu natukun eshi-takunit 2021 pipun. Nasht ishinakun tshe tshi tshishtauakanit auen muk^u at peikuan apu akimiakanit auen. Takun eiat eka tapuetaki auen tshe tshi tshishtauakanit, apu tshikut tshishtauakanit.

Ekue anitshenat tshe tshishtauakanit eshk^u a peikuan tshika akuaimuat utunuau?

Eshe, tanite apu uipat atussemikak ne ka shutshenitakuak natukun kie apu tshikut tshi nutim peikuau tshishtauakanit auenitshenat , kassinu etashinanuat eshk^u nasht ishinakun tshe tshi akuaikanit mitun kie ushkutit auen, tshe tshi katakatak uitshikapushtatishut auenitshenat, tshe tshi tshishtaputat utitshiau kie tshe tshi tshiam^u tat nete uitshit akushitshi auen.

<http://www.gov.nl.ca/covid-19/vaccine/>

Tan tshe ishpish tapuetakanit tshe tshi kau minuat shenakaniti tshekuana ka tshipaikaniti nete aitananuht eshpish tshi pimipanit ne akushun?

Tshika tshitapataknu eshpanit akushun COVID-19 nete tshinan aitaik kie tshika eshi-atussemikak ne natukun tshe tshi uitshikuiak e shutshenitakuak.

Kassinu nete atassit eiat tshika tshitapatakanu ne natukun tshe tshi uitshikut kutakat auenitshenat nete uetshiht ka aitaht kie uinuau. Tshe tshi akuaimak tshitunu mak tshishkushinu, katakatak tshe tshi unakapushtatiak, tshe tshi tshishtaputaiak tshetitshinana kie tshe tshi tshiam taiak nete tshitshinat akushiaku, eukuan eshi-natuenitakanit umue e pimipanit akushun kie patush uinuau anitshenat ka nakatuapatahk minuinniunu atusseunu ekue tshe nashatakanit essishuet.